



Jarida la

SIHA NA MAENDELEO

UTAWALA BORA

www.sihadc.go.tz

Mwezi Mei 2023

Toleo la 2

Halmashauri ya Siha



Haliuzwi



Malori

Mawili mapya hapo juu yalinyonunuliwa na Halmashauri ya Wilaya ya Siha kwa kutumia mapato ya ndani ya Halmashauri ya Wilaya ya Siha

MILIONI 230 ZA MAPATO YA NDANI ZANUNUA MALORI MAWILI

Mwenyekiti wa Halmashauri ya Wilaya ya Siha Mhe. Duncan Urassa kwa niaba ya baraza la Madiwani Halmashauri ya Wilaya ya Siha amezindua na kukabidhi malori mawili mapya yalinyonunuliwa na Halmashauri ya Siha kupitia fedha za Mapato ya ndani kiasi cha shilingi milioni 230.

Uzinduzi huo umefanyika Makao makuu ya Halmashauri ya Wilaya ya Siha tarehe 26/05/2023 na kushuhudiwa na watumishi wa Serikali waliopo makao makuu ya Halmashauri ya Wilaya ya Siha.

Akiongea katika tukio hilo Mhe. Duncan Urassa ametoa wito kwa

watumishi wa Halmashauri ya siha kuhakikisha kuwa magari hayo yanatumika katika shughuli za maendeleo za Serikali tu na siyo kufanya kazi za watu binafsi.

“Napenda kutoa onyo kwa madereva wa Halmashauri ya Siha kamwe msidhubutu kutumia magari haya vibaya hususani katika matumizi binafsi kwani sisi kama Waheshimiwa Madiwani ambao ni wasimamizi wa Halmashauri hatutasita kuwachukulia hatua za kinidhamu”

Nawashukuru sana Baraza la Madiwani wenzangu kwa kuniunga mkono katika maamuzi ya

kununua magari ya kufanya kazi za maendeleo ambapo niliamua kuacha kununua gari la Mwenyekiti na Mkurugenzi na kuelekeza fedha kiasi cha shilingi milioni 230 za mapato ya ndani zitumike kununua malori mawili.

Mkurugenzi Mtendaji wa Halmashauri ya Wilaya ya Siha ndugu Upendo Mangali amesema kuwa atahakikisha kuwa malori hayo yaliyokabidhiwa Divisheni ya ujenzi yanasimamiwa na kutunzwa vyema ili yatimize malengo yaliyokusudiwa na Halmashauri ya Wilaya ya Siha



Mhe.Duncan Urassa(pili kushoto) Mwenyekiti wa Halmashauri ya Wilaya ya Siha akiwa na Mkurugenzi Mtendaji wa Halmashauri ya Wilaya ya Siha Pendo Mangali (tatu kulia) tarehe 26 /5/2023 akizindua malori mawili makao makuu ya Halmashauri.



..... KAZI IENDELEE.....

UJENZI WA KITUO CHA AFYA OLKOLILI



Ujenzi wa Kituo cha Afya Olkolili Kata ya Olkolili unaendelea kwa fedha za tozo ya simu kutoka Serikali ya awamu ya Sita jumla ya shilingi milioni 500 zinazojumuisha jengo la wagonjwa wa Nje(OPD),maabara,insinreta/kichomea taka,jengo la kufulia pamoja na jengo la mama na mtoto na upasuaji.

Mkurungenzi Mtendaji wa Halmashauri ya Wilaya ya Siha 5-BR Elerai- Sanya Juu S.L.P 129,25482 siha Simu Na +027-2970677, Nukushi +027-2970677 Barua Pepe: ded@sihadc.go.tz, Tovuti: www.sihadc.go.tz

UJENZI WA BARABARA YA LAMI SANYA JUU-NAIBILI-KIA



Kamati ya Siasa ya Chama Cha Mapinduzi Wilaya ya Siha wakiwa na Mkuu wa Wilaya ya Siha Mhe.Dkt.Christopher Timbuka (mbele pichani juu) wakikagua maendeleo ya ujenzi wa Barabara ya lami kutoka Sanya Juu-Naibili hadi Kia unaoendelea kwa awamu kwa fedha kutoka Serikali Kuu



NB Barabara hii pia itawekewa jiwe la Msingi na Mwenge wa Uhuru unaotarajiwa kupokelewa katika Wilaya ya Siha tarehe **26/6/2023**

KUTEMBELEA NA KUKAGUA MIRADI YA MAENDELEO



Kamati ya Fedha Uongozi na Mipango wakiongozwa na Mwenyekiti wa Halmashauri Mhe. Duncan Urassa hivi karibuni wakagua mradi wa ujenzi wa miundombinu katika Hospitali ya Wilaya ya Siha.

Mwenyekiti wa Halmashauri ya Wilaya ya Siha Mhe. Duncan Urassa (katikati mbele) akipokea taarifa ya ujenzi wa madarasa katika shule ya Sekondari Sikirari Kata ya Donyomurwa. Kamati ya fedha ilitembelea na kuridhishwa na kazi ya ujenzi iliyofanyika.



DARAJA LA MAWE KATIKA KIJIKI CHA NGUMBARU KATA YA SONGU



Halmashauri ya Wilaya ya Siha Mkoa wa Kilimanjaro imeanza kutumia Tekinolojia mpya ya ujenzi wa Madaraja kwa kutumia mawe kwani madaraja haya yanatumia gharama nafuu, ni imara na yanadumu kwa muda mrefu

UJENZI WA ZAHANATI YA NAIBILI KATA YA MAKIWARU



Ujenzi wa Zahanati ya Naibili unaendelea kwa gharama ya shilingi milioni 271 fedha za “Global Funds” ,majengo yanayojengwa ni nyumba ya watumishi 2-1,Jengo la wagonjwa wa nje na Maabara

Pia kamati ya siasa ya Wilaya ya Siha imetembelea ujenzi huu tarehe 24/5/2023 na kuridhishwa na kasi ya ujenzi inayoendelea

Mkurugenzi Mtendaji wa Halmashauri ya Wilaya ya Siha 5-BR Elerai- Sanya Juu S.L.P 129,25482 siha Simu Na +027-2970677, Nukushi +027-2970677 Barua Pepe: ded@sihadc.go.tz, Tovuti: www.sihadc.go.tz

UBORESHAJI WA MIUNDOMBINU YA BARABARA KATIKA KATA YA KASHASHI



Ujenzi wa Barabara ya Muro-Nkwamariko-Naweru Kata ya Kashashi umekuwa na manufaa makubwa kwa shughuli za kiuchumi kwa Wananchi, ujenzi huu mkubwa umefanywa na Serikali ya awamu ya Sita na umekamilika hivi karibuni

UJENZI WA SHULE MPYA YA SEKONDARI KATIKA KATA YA BIRIRI



Ujenzi wa shule mpya ya Sekondari katika Kata ya Biriri unaendelea na hadi sasa ujenzi huu umeshatumia kiasi cha shilingi milioni 470 fedha kutoka Serikali Kuu. Ujenzi unajumuisha madarasa 8, maabara 3, jengo la Utawala ,chumba cha Kompyuta na matundu 30 ya vyoo vya Wanafunzi na walimu.



UJENZI WA MADARASA MAPYA 5 KATIKA SHULE YA MSINGI KISHISHA KATA YA IVAENY



Diwani wa Kata ya Ivaeny Mhe.Elinisaa Kileo(kwanza kushoto hapo juu) kwa niaba ya Wananchi akitoa shukurani kwa ujenzi wa madarasa uliofanyika katika shule ya Msingi Kishisha



Kamati ya Siasa ya Chama cha Mapinduzi (CCM) Wilaya ya Siha tarehe 23/5/2023 imetembelea na kukagua ujenzi wa madarasa mawili mapya yaliyojengwa na mapato ya ndani ya Halmashauri ya Wilaya ya Siha na kuridhishwa na kazi iliyofanyika.

Mkurugenzi Mtendaji wa Halmashauri ya Wilaya ya Siha 5-BR Elerai- Sanya Juu S.L.P 129,25482 siha Simu Na +027-2970677, Nukushi +027-2970677 Barua Pepe: ded@sihadc.go.tz, Tovuti: www.sihadc.go.tz

UJENZI WA MADARASA KATIKA SHULE YA MSINGI LEMOSHO KATA YA NDUMETI



Ujenzi wa Madarasa matano na matundu matatu ya vyoo unaendelea shuleni hapo kwa kiasi cha fedha **milioni 131.3** fedha kutoka Serikali Kuu

Mkurugenzi Mtendaji wa Halmashauri ya Wilaya ya Siha 5-BR Elerai- Sanya Juu S.L.P 129,25482 siha Simu Na +027-2970677, Nukushi +027-2970677 Barua Pepe: ded@sihadc.go.tz, Tovuti: www.sihadc.go.tz

MIUNDOMBINU KATIKA SHULE YA SEKONDARI DAHANI KATA YA LIVISHI



Maabaraza za kisasa katika shule ya Sekondari Dahani Kata ya Livishi Wilaya ya Siha Mkoa wa Kilimanjaro

Mkurungenzi Mtendaji wa Halmashauri ya Wilaya ya Siha 5-BR Elerai- Sanya Juu S.L.P 129,25482 siha Simu Na +027-2970677, Nukushi +027-2970677 Barua Pepe: ded@sihadc.go.tz, Tovuti: www.sihadc.go.tz

UJENZI WA BARABARA YA LAMI KWA DC-MAGADINI-KARANSI -KIA



Ujenzi wa barabara hii ya lami unaendelea kwa fedha kutoka Serikali ya awamu ya Sita inayoongozwa na Mhe.Dkt. Samia Suluhu Hassan Rais wa Jamhuri ya Muungano wa Tanzania

Mkurugenzi Mtendaji wa Halmashauri ya Wilaya ya Siha 5-BR Elerai- Sanya Juu S.L.P 129,25482 siha Simu Na +027-2970677, Nukushi +027-2970677 Barua Pepe: ded@sihadc.go.tz, Tovuti: www.sihadc.go.tz

MICHEZO NA BURUDANI



Wanafunzi wa shule za msingi Wilaya ya Siha wakiwa katika picha ya pamoja na Mwenyekiti wa Halmashauri na Mkurugenzi Mtendaji wa Halmashauri ya Wilaya ya Siha mara baada ya kukabidhi vikombe vya ushindi wa michezo ya umitashunta Mkoa wa Kilimanjaro

Siha yang'ara michezo ya umitashunta mkoa wa Kilimanjaro

Halmashauri ya Wilaya ya Siha Mkoa wa Kilimanjaro imeendelea kufanya vizuri katika michezo ya UMITASHUNTA kwa shule za msingi ngazi ya Mkoa wa Kilimanjaro yaliyomalizika hivi karibuni.

Akipokea zawadi mbalimbali za Wanafunzi wa shule za msingi zilizopatika katika mashindano ya Kimkoa, Mwenyekiti wa Halmashauri ya Wilaya ya Siha Mhe. Duncan Urassa amemshukuru Mkurugenzi Mtendaji wa Halmashauri ya Wilaya ya Siha kwa kuwaandaa vema wanamichezo hao hadi

kuleta sifa kubwa kwa Halmashauri ya Siha.

“Kwa niaba ya Baraza la Madiwani wa Halmashauri ya Wilaya ya Siha napenda kuwapongeza wanamichezo wetu wa shule za Msingi katika Halmashauri yetu kwa jinsi mlivyopambana na kupata makombe haya manne ambayo yametupatia heshima kubwa” alisema Duncan Urassa.

Akitoa taarifa fupi ya michezo kabla ya kukabidhi vikombe kwa Mwenyekiti wa Halmashauri Afisa Utamaduni na Michezo

mwalimu Anselm Hamaro amesema kuwa wamepata zawadi ya vikombe katika michezo ya mpira wa wavu mshindi wa tatu Kimkoa, mpira wa miguu wasichana mshindi wa pili, Riadha mshindi wa kwanza na michezo ya fani za ndani mshindi wa kwanza kimkoa.


Ameeleza kuwa katika mashindano hayo ya umitashunta ngazi ya Mkoa Wanafunzi wanamichezo wa Halmashauri ya Wilaya ya Siha wapatao 11 wamechaguliwa kuwakilisha Mkoa wa Kilimanjaro ngazi ya Taifa.



Mwenyekiti wa Halmashauri ya Wilaya ya Siha Mhe. Duncan Urassa akiwa na Mkurugenzi Mtendaji ndugu Pendo Mangali tarehe 26/5/2023 wakipokea kombe la ushindi wa kwanza katika mchezo wa riadha ngazi ya Mkoa wa Kilimanjaro



Wawakilishi wa wanafunzi wanamichezo Wilaya ya Siha wakiwa katika Makao Makuu ya Halmashauri ya Wilaya ya Siha wakiwa na makombe manne waliyoyapata katika mashindano ya UMITASHUNTA ngazi ya Mkoa wa Kilimanjaro



**JARIDA MTANDAO LA HALMASHAURI YA WILAYA
YA SIHA LIMEANDALIWA NA KITENGO CHA
MAWASILIANO SERIKALINI**

**Mkurugenzi Mtendaji wa Halmashauri ya Wilaya ya Siha
5-BR Elerai- Sanya Juu S.L.P 129,25482 siha
Simu Na +027-2970677, Nukushi +027-2970677
Barua Pepe: ded@sihadc.go.tz, Tovuti: www.sihadc.go.tz**

Tunapatikana

